





第三一九冊

四庫全書

●上海古籍出版社

本冊目次

續資治通鑑長編(六)

宋李燾撰……………一

欽定四庫全書

吏部
續資治通鑑長編卷二百八十七

詳校官檢討臣劉錫五

刑部郎中臣許兆椿覆勘

纂修官修撰臣黃軒

謄錄監生臣黃琮

欽定四庫全書

續資治通鑑長編卷二百八十七

宋 李燾 撰

神宗

元豐元年春正月庚戌詔河提轉運司令所在長吏躬

稽名山靈祠旱故也

我子節輔臣祈雨 魏國安人保佑夫人張氏乞依赦

籍一依從之賜崇祐母照寧八年二月

欽定四庫全書

續資治通鑑長編
卷二百八十七

甲寅右諫議大夫提舉崇禧觀沈立卒

乙卯集禧觀使鎮南節度使同平章事王安石為右僕

射觀文殿大學士集禧觀使放朝謝安石辭使相乞以

本官領宮觀屢詔不允而安石辭不已故有是命 交

趾邵王李乾德上表言伏蒙賜詔從臣所請自今復脩

職貢已令安撫司各差人畫定疆界毋得輒侵犯臣已

奉詔遣人送方物乞賜還廣源杭榔等州縣詔候進奉

人到闕別降疆事處分 又詔河北路轉運司檢放水

災民戶秋稅欠負展限輸納 又詔京西淮南路轉運

司訪名山靈祠委長吏禱雨雪 權御史中丞鄧潤甫

言知虢州鄧綰近復龍圖閣待制中外之論皆謂綰在

言路肆為邪惠陰連公府援屬數為大臣祈懇乞除大

臣之子館職傳笑四方傷辱國體近世處言職者未嘗

有也陛下以綰操心頗僻賦性吝回論事屬人不循分

守故斥逐之今綰去位未幾亟還近職指紳藉藉莫知

所謂蓋蘇頌奪職八年而後復諫議大夫曾布五年而

欽定四庫全書

續資治通鑑長編
卷二百八十七

二

後得待制綰何人獨此超越乞追寢成命以厭公論詔

綰罷龍圖閣待制以本官充集賢院學士知河陽

丁巳詔國子監丞主簿省一員

戊午判太常寺樞密直學士陳襄崇政殿說書同修起

居住太子中允集賢校理黃履太常博士集賢校理李

清臣秘書丞集賢校理王存詳定郊廟奉祀禮文太常

寺主簿秘書丞楊完御史臺主簿著作佐郎何洵直國

子監直講密縣令孫諤充檢討官先是手詔講求郊廟

奉祀禮文訛舛宜令太常寺置局仍差定禮官數員及

許辟除官屬討論歷代沿革以考得失故命襄等五月

十一日成書熙寧十年十二月甲午黃

復云云舊紀書命官詳定郊廟祝文 皇城使達州

刺史入內副都知蘇利涉為海州團練使時利涉校年

止當還官而詔以利涉違事先朝藩邸故特有是命

減併陳留捧日天武第七軍第一武騎帶甲刺員亳州

第一龍衛帶甲刺員陳留第一亳州第二尉氏驍猛第

二南京雄威第八咸平雄勇第二第三鄆州第五許州

欽定四庫全書

續資治通鑑長編
卷二百八十七

三

第六管城第七白馬第八總十三指揮每軍止各置一

指揮並以五百人為額餘數聽額外收管 經制熙河

路邊防財用乞封椿息錢以備朝廷移用如鑄錢鹽井

之類與轉運司錢本相干者並以熙寧九年為額本司

認數撥還從之

己未荆湖南路安撫使謝景溫言奉詔相度轉運司乞

補徽誠州溪峒蠻職名俸給事臣詳朱初平招撫楊光

偕等各與官職請受其歸明地依舊住坐緣楊族諸蠻

顧應巢穴本亦不敢輕犯邊境昨既得官資請受安土樂業悉如故時所以近上首領爭出聽命比至初平等不帶兵甲親入招安遂生驚疑已恐朝廷煙畫其地故楊昌普等遮擁道路殺害使臣幾成邊患今若修建城寨留戍官兵必以為朝廷利其土田增置州縣人懷遷徙之憂勢疑事迫必合而為姦今近上首領既已受命利於俸給其餘族類自不敢動又已有關峽武陽兩寨控扼更不須別作防守若二三年間懸信浹洽使其向

欽定四庫全書

續資治通鑑長編
卷二百八十七

四

化之人轉相勸諭然後經制城寨亦未為晚所欲補楊嚴堅巡防名目緣嚴堅號為桀黠蠻人畏服今忠順之誠尚未可保而遽補之職名萬一假朝廷之勢役屬諸蠻黨類附從非我之利謂當如舊為使其朱初平招納之時所差使勾當人楊晟勝等或先率眾通道或招同類來歸委有勤効未嘗推恩及熙寧五年先歸明見為衙職者總五十人並乞依轉運司所奏等第推恩三州一鎮自未歸明以前每歲進奉總請茶二十四百餘緡

昨補逐人官職料錢衣絹歲計三千七百餘緡以進奉券錢折除外歲不過給七百九十餘緡若依轉運司所乞續補楊晟勝等名目須給請受緣逐人所給止是一卒之費終其一身以歲月較之不過十餘年盡矣詔如景溫所奏令轉運司具合與楊晟勝名目請受以開賜廣濟河輦運司上供米十萬石付徐州淮陰軍出糶以賑水灾饑民 三司言建州熙寧六年買茶三十二萬九千餘觔有竊惡茶利納錢三萬六千餘緡當於園

欽定四庫全書

續資治通鑑長編
卷二百八十七

五

戶及干繫人名下理納雖淹歲月以致破產未必能償乞計其直令復準茶入官以寬遠民監催追擾之弊從之本志有此但改熙寧六年作今歲則誤也 提點南郊事務向宗儒乞自東墻門內布黃道至望燎位下禮院詳定闕報入式從之

庚申詔權御史中丞鄧潤甫翰林學士許將與三司并都理大司同詳定該赦合放欠負以聞

辛酉詔川廣福建路官在任或替移未出本路身亡雖

已請接送雇人錢許差坐船一隻 又詔諸路州軍關

雨雪過多委提舉司月一申中書進呈令司農寺注籍

癸亥詔自今學官非公筵不得豫妓樂會從知永興軍

呂公孺請也 判司農寺熊本言近諸路皆言甲頭催

稅未便今相度欲令諸路依元定役法錢數雇募戶長

如未有人應募據稅戶多寡輪四等以上保丁催稅每

都保毋得過五人每人須催百戶以上量所催多少支

給雇錢共毋得過元雇戶長錢數依舊一稅一替願再

欽定四庫全書

續資治通鑑長編

六

充者聽如有違犯並依舊條內甲頭減戶長一等詔送

司農寺相度以聞 置催稅甲頭在熙寧八年閏四月乙巳 詔經制熙河

路邊防財用司兼秦鳳路財用司御批改用字作利字

改用作利此據御集其後却並作用字不知何故當考

熙寧十年十二月辛丑已詔經制司兼秦鳳此又重出

遣西京左藏庫副使元日宣兩浙路文思副使曹詔

江南東路點閱團結諸軍 降前知真定府龍圖閣直

學士吏部侍郎致仕韓贄一官追其孫思純將作監主

推官劉處厚各銜替司隸參軍劉舜理以下三人勒停
北寨主楊充德以下三人除名編管並不用赦降去官
坐牒易州捕盜誤以解子平為北界地啟其爭疆之隙
也 此事當考詳贄新舊傳俱不載此贊知真定時乃治平二年 詔提舉成都府等
茶場司李稷相度置場買茶聽商人於熙河路入錢及
糧草定價給引指射請販利害以聞
甲子詔入內侍省關官罷都知張茂則都大提舉修
開澶州曹村決口命龍神衛四廂都指揮使榮州防禦
使燕達為提舉本所兵馬總管仍於北京差禁軍二千
人隸總管司 詔權發遣夔州路轉運副使董鉞成資
日升一任留再任仍自今夔州路轉運使副判官提點
刑獄如令再任者並取裁與升任或減磨勘年 審官
東院言廣南兩路員闕願就之人少欲乞水土惡弱處
為一等繁難處為一等其餘並為一等令轉運司保明
申奏從之 司農寺言諸路命官使臣因軍期亡歿其
子孫不該廢免者本戶役錢減放五年從之 詔免京

欽定四庫全書

續資治通鑑長編

七

東西路轉運司年紀封椿錢糧以本路言水災關之故也

乙丑遣官謝雨 詔自今樞密院諸房副承旨出職與

主事請受為州鈐轄 權發遣三司使李承之言近年

以來朝廷寬假資格稍高之人為其衰遲或不任事未

欲遽令休退故置提舉管勾官觀之職優與俸祿以示

始終恩意之厚不立員數而臣僚趨聞貪祿冒昧無耻

或精神未衰年齒方壯便私避事亦求此職條制既寬

欽定四庫全書

續資治通鑑長編

八

初未釐革故今內外官觀約百餘員無纖芥職事歲費

廩食不下數萬緡臣竊惜之乞今後在京官觀提舉提

點管勾官共毋得過十五員諸路倍之如有除授令依

例待闕所貴勤勞官守之人有以區別不虛費國用詔

自今陳請宮觀等差遣人年六十以上聽差仍毋過兩

次宮觀限年及次數墨本在二月辛亥今從本移入此

詔以太皇太后聖體

久未康平其令開封府及諸路訪衆所見效口蠶科給

裝錢乘驛赴闕 又詔經制熙河路邊防財用司根括

冒耕地為官莊限半年聽民自陳其方田更不施行舉

貸止文錢納日計市直許以糧折納收息二分願納錢

增一分熙寧七年三月六日又元豐元年十二月十七日可考

司農寺請令諸

路依舊置牙司從之

丁卯詔提舉永興等路刑獄公事王孝先置獄涇州根

治摩丹當博事能自陳即免罪若告得實者與班行酬

獎事具二年五月乙未

成都府等路茶場司言應賣茶官如非

其人許本司選擇於事簡處對移如關正官即於得替

欽定四庫全書

續資治通鑑長編

九

待闕官內差權或指名牒轉運司差從之 樞密院言

昨降潤悶弓樣令軍器監依樣打造今一千三百六十

張已了九百三十張已了未樣一萬張未計料詔其已

了并未樣兩色內共先次支二千張與提舉教習馬軍

所元豐元年正月二十一日手札

戊辰錄三班奉職劉通一子為三班借職通隨軍攻討

山後生羌充中軍大部騎隊戰歿故也後父昌祚言通

無子以其弟逸之子維為後詔授維官為通後 詔泰

鳳等路轉運副使同經制熙河路邊防財用太常博士趙濟候經畫就緒與除館職 又詔司農寺應常平存

留一半錢穀難雜數目每歲終類聚於次年春季點校仍開具逐路以聞 賜度僧牒百付京東路轉運司撥

還徐州築城興置木岸等所借常平錢 前司門郎中王伯瑜乞改京東河北四路產鹽場為市易鹽務官買

於竈戶以售商人詔都提舉市易司召伯瑜審議上韓絳書論此執時在密州熙寧七八年事當考伯瑜提舉河北京東鹽稅再任在熙寧五年十二月 詔

欽定四庫全書

續資治通鑑長編 卷二百八十七

十

同提舉荆湖北路常平等事著作佐郎張琬衡替坐越

職言荆南張頤不當也熙寧十年七月辛未頤自京南

丑頤除戶付糧糶論奏張琬所劾事具注熙寧十年七月辛未頤移荆南時張昇有子名琬不知即此人是此

已已著作佐郎權檢詳兵房文字范育復崇文院校書

詔河北路權停折納以經水災糧草貴也 刑部員

外郎知制誥熊本落知制誥為屯田員外郎分司西京

饒州居住大理寺丞權外都水監丞陳祐甫為潁州團

練推官權知都水監主簿司農寺主簿婺源縣丞史邈

追兩官與遠小處合入差遣權外都水監丞主客郎中

范子淵追一官差遣依舊並免勒停權河北東路轉運

副使金部員外陳知儉追一官衡替文彥博持放大名

府冠氏臨清清平縣干繫官吏并東流南岸都大司並

令提點刑獄司劾之其運河置牌令都水監再相度本

坐按視清河不實緣疏清有河退地二萬二千三百頃

而附會報不以實法非公事不得赴州郡酒食而本

欽定四庫全書

續資治通鑑長編 卷二百八十七

十一

違法赴彥博會子淵所稱河退地雖實而以二年數誤

併為一年奏上祐甫邀知儉皆附會失實故有是命清

川杞僅同兒戲子淵所稱固多妄然邀初勸本先行河

決利害乃見彥博而本言彥博三朝舊臣小利害安能

動搖又修私敬於彥博子淵具以告故上不直本也史朱

前去清川杞同兒戲及上不直本等語專以元斷案修定新本已復存之元斷案固不可隱落而墨史所書乃

視審河附下失實落知制誥分司西京新紀不書鄧

潤甫作熊本神道碑云會中貴人程昉欲於衛州西南鑿隄引河通江淮都水丞范子淵建議清司以鐵龍爪

源黃河胡可回奪河勢欲附會退灘地為疏濬功事下
河北安撫司帥臣文潞公言小臣與功周計皆非實詔
公覆視公還奏時云六隄引河非是疏濬計功皆安願
先罷提舉司已而諫官論公書以獄事會食大名府非
法生降也田員外郎分司西京然亦廢濬河罷疏濬司
碑蔡卡濬也彭沐矯作本墓銘會中責程時欲作運
河通江淮都水丞范子淵以鐵龍文潞公判大名府言小
之勢而附會退灘地為疏濬功文潞公判大名府言小
臣與功同利欺工皆非實公被命覆視將行執政以利
害昭公公晒之既至具得欺罔狀還奏乙先罷都大提
舉司寔大名時組歸公論之益急言者遂斥公書以獄事
會食大名非法生降也田員外郎分司西京未幾還河
塞疏濬
司亦罷

庚午詔屯田郎中前知涪州萬贖除落差替令河北西

欽定四庫全書

續資治通鑑長編
卷二百八十七

十三

路提點刑獄韓宗道具析體量贖違慢詔條不實因依
以聞初宗道奏贖奉行條法有違而贖自列辨正朝廷
知其無罪也其後宗道以體量不當罰銅十觔十年三
月二十

一日河北憲司言贖不堪
治治却不載差替指揮

辛未命度支員外郎秘閣校理同修起居注檢正中書
戶房公事安燾倣左諫議大夫史館修撰為高麗國信
使著作佐郎集賢校理同知太常禮院林希倣右正言
直昭文館副之先是權知高麗國王王徽比年遣使朝

貢上嘉其勤誠待遇良厚故遣燾等使其國九月二十
明州舊紀但書達官
新紀乃出安燾姓名
詔河北東路緣邊軍留糧三年

餘州軍留二年文遣外其餘聽依市直量減價糶毋損

元價其錢封樁候歲豐糶入元數
詔成都府路轉運

司勅成都府官司越職受理茶場司事者茶園戶等如

有罪亦劾之已決者具析以聞以李穰言知成都府劉

庠受名山知縣楊少逸越訴事不可提舉茶場司故也

初少逸因民訟以狀白庠願聞於朝督茶吏路玠監傳

欽定四庫全書

續資治通鑑長編
卷二百八十七

十三

部而藏之庠具奏其事且言權茶害遠方請重黜玠而

穰方主玠論庠越職故有是詔此據呂陶
議庫基
三司乞量

增在京酒行麴錢於年額減麴三十萬觔遇閏年增造

萬觔均給從之
熙河路經畧司張詵乞下監司收捕

遊邊人傳押歸本貫詔經略司發遣許人告賞錢百千

犯者不用蔭官員具奏聞奏

壬申光祿卿知潞州史炤再任炤考課為河東第一故

也
詔樞密副都承旨張誠一與高麗國信使副同詳

癸酉司農寺言淮南東路提舉司乞本路縣並用鄉村民戶物產實直錢數敷出役錢從之

閏正月丙子朔權發遣戶部副使兵部郎中陳安石為
集賢殿修撰河東都轉運使尋詔河東路十三州歲給
欽定四庫全書

續資治通鑑長編
卷二百一十七
十四

續資治通鑑長編
卷二百八十七

十四

和糴錢八萬餘緡自今罷之以其錢付轉運司市糴糧
單先是安石乘驛與知太原府韓絳同轉運司講求邊
儲利害絳已改和糴之法減放原數三分罷官支錢布
但寬其文移之苦則實惠已及於民遇災傷十七則又
除之而安石言十三州二稅以石計之凡三十九萬二
千有餘而和糴之數凡八十二萬四千有餘所以災傷
舊不除免益十三州稅輕又本地特為邊儲理不可闕
故也其和糴舊文錢布相半數既畸零民病入州縣之

費以鈔貨錢於市人畧不收半公家支費實錢而百姓乃得產名欲自今罷文釋錢歲以其錢支與緣邊州郡市糧草封樁遇災傷據民不能輸數補填如無災傷三年一免輸以封樁糧草充數即不須如韓絳減數三分及災傷除十七朝廷以為然乃命安石為河東都轉運使悉推行之又降是詔

詔乃初十日事今并書之熙寧九年十一月十四日韓絳云云

十二月如太原府韓絳云云云食貨志第五卷熙寧九年十月如太原府韓絳云云云豐元年正月詔達三司戶部制使陳安石詣太原府與絳及年路轉運司共撰其事安石言水利東西監鹽諸如慶厯前商人輸錢

欽定四庫全書

續資治通鑑長編
卷二百八十七

續資治通鑑長編
卷二百八十七

十五

軍府給卷於東西鹽池鹽華以除加稅折新入買之弊仍令商
人自占所賣地卽鹽已運至場稅者商人羅之加之運費
如是則官鹽平商販通於事簡使朝廷行其說卽除安
石爲河東都轉運使安石請以河北青白鹽者以宣祐
杖論罪首從各編配又青白鹽入河東元豐元年奉括
歷官不察者罪之四年七月安石自言元豐元年奉括
治鹽事或有其餘及增牧忻州鹹城鎔戶馬城池鹽課
括安石還官實其屬五年四月括安石前後奏請和羅
鹽磐坑治之類施行已就緒召爲戶部侍郎其職事委
莊公岳路燧奉行三年

河東轉運副使國子博士

起子幾揭點三司帳司勾院磨勘司仍自今依三司判
官法差人提舉修閑澶州曹村決口所兵馬總管燕

達言所總士卒甚衆如有犯無禮及呼萬歲者即於豁口處斬若有扇搖軍人畧奪財物及叫呼動衆為首情重者亦乞斬訖以聞為從者減等配千里外牢城從之仍詔差雲騎第六一指揮為達牙隊 中書言在京舉差選人處欲並令舉京朝官或使臣見任選人聽滿任惟市易上界監官檢估官雖進納選人聽差從之仍候見任人滿日施行 提舉修開曹村決口所言以今月丙戌築簽隄開脫水河達權判太常寺李清臣乘驛祭

欽定四庫全書

續資治通鑑長編
卷二百八十七

十五

告就差走馬承受韓永式齋香建道場三晝夜仍令候河水稍渾閉口即毋得沙損京東一帶民田

丁丑詔自今大禮聽起居郎起居舍人奏薦親族至六年復罷

中書時政記云熙寧十年十一月南郊奏薦恩澤共四百餘員因有詔添入兩史官奏薦

河東經畧使韓絳言麟州靜羌寨星最朗木瓜舖地委係省田即非兩不耕地管勾軍馬邢佐臣偏見遂非遷延不決中書進呈詔劾佐臣罪既而上批早來取劾邢佐臣不處畫地界事恐自有理可且令分析以聞後佐

臣言既為經司體量豈有不實乞移河北一任遂移恩州鈐轄

戊寅三司請應在官司文係省錢物及拋降計置出納移用並開申三司相度指揮從之 荆湖北路提點刑獄司乞辰州會溪城黔安寨依沅州城寨例置牢屋區斷公事從之 前知曹州劉放言伏見知濟陰縣羅適開導古澗河決洩積水有功適議以為若明年春許差人夫及聽民願併力施功則爾後水害可使永除乞下

欽定四庫全書

續資治通鑑長編
卷二百八十七

十六

本州達與應副上批可記適名姓俟府界劇縣有關與差以考其治能之實於是以適知陳留縣仍詔適留舊任候見任官成資日交替

八年五月十八日改已薦適今又薦

詔提轄

修京城所於廣固軍士內選及等者給羣牧司馬教習武藝俟有精熟引見填配管城武騎白馬寧朔指揮關額

己卯秦鳳等路提舉常平司乞增募州縣裁減過當役人及增雇錢從之 東上閤門使曹評為西上閤門使

以太皇太后生辰恩也 前安南道經畧招討司言昨
官軍奪決里隘福建路有應募二百二十一人詔各以
功次遷補及賜帛有差 權荆湖南路轉運副使朱初
平言下班殿侍楊昌鍾是徽州黃石固奉職光鎮子自
陳三州一鎮補班行人甚衆未有一人出官者望優與
推恩詔授昌鍾三班借職增差監潭州稅 詔河北東
西永興秦鳳京東東京西南北淮南東西路轉運司
並依未分路以前通管兩路其錢穀並聽移用除河北

欽定四庫全書

續資治通鑑長編
卷二百八十七

十八

陝西外餘減判官一員

庚辰命御史中丞鄧潤甫知制誥孫洙並兼詳定重修
編敕 詔開封府界提點諸路轉運副使判官罷兼提
舉常平司 又詔權同判都水監劉增覆檢討曹村決

口功料以聞

司馬光記開云元豐元年春塞曹村決口
發民夫五十萬役兵二十萬云欲鑿故道

以導之不行則決河北岸王莽河口任其所之恐其浸
淫而及京城故也天章間待制韓鎮都水監丞劉增河
北轉運判官汪輔之掌之按韓鎮於正月戊午相視決
河四乙止用新河量興功增修後不見鎮督役河上不
知司馬光何以云然今因劉增
覆檢討功料附注更當考詳

上批近降相州吏人

於法寺謂求失入死罪刑名事緣開封府刑獄與法寺

日有相干深恐上下忌礙不盡情推効致姦賊之吏得

以幸免宜移送御史臺

相州獄乃鞠法司潘開行賄實
錄具有姓名錄確傳獨稱馮吉

獄馮吉即失入死

罪者見六月辛酉初韓琦判相州有三人為劫為隣里

所逐而散既而為魁者謂其徒曰自今劫人有救者先

殺之衆諾他日又劫一家執其老姥榜桮求貨鄰人不

忍其號呼來語賊曰此姥更無他貨可惜榜死其徒即

刺殺之州司皆處三人死刑房堂後官周清本江寧府

欽定四庫全書

續資治通鑑長編
卷二百八十七

十九

法司後為三司大將王安石引置中書且立法云若刑

房能駁審刑大理刑部斷後違法得當者一事遷一官

故刑房吏日取舊案吹毛以求其失清以此自大將四

年遷至供備庫使行堂後官事相州獄已決數年清駁

之曰新法凡殺人雖已死其為從者被執雖經榜掠若

能先引服皆從按問欲舉律減一等今盜魁既令其徒

云有救者先殺之則魁當為首其徒用魁言殺救者則

為從又至獄先引服當減等而相州殺之刑部不駁皆

為失入死罪事下大理大理以為魁言有救者先殺之謂執兵仗來闖者也今鄰人以好言勸之非救也其徒

自出己意手殺人不可為從相州斷是詳斷官竇革周

孝恭以此白檢正劉奉世奉世曰君為法官自圖之何

必相示二人曰然則不可為失入奉世曰君自當依法

此豈必欲君為失入邪於是大理奏相州斷是清執前

議再駁復下刑部新官定刑部以清駁為是大理不服

方爭論未決會皇城司奏相州法司潘開賁貨詣大理

欽定四庫全書

特旨治通鑑長編
卷二百八十七

二十一

行財枉法初殿中丞陳安民簽書相州判官日斷此獄

聞清駁之懼得罪詣京師歷抵親識求救文彥博之子

大理評事及甫安民之姊子吳充之壻也安民以書召

開云爾自來照管法司竭其家貲入京師欲貸大理胥

吏問其消息相州人高在等在京師為司農吏利其貨

與中書吏數人共耗用其物實未嘗見大理吏也為皇

城司所奏言齎三千餘緡賂大理事下開封按鞠無行

賂惟得安民與開書諫官蔡確知安民與充有親乃密

言事連大臣非開封可了遂移其獄御史臺蓋從確請也

辛巳翰林侍讀學士竇文閣學士提舉中太一宮呂公

著兼端明殿學士知審官西院先是上批公著侍從舊

臣宜除翰林學士承旨兼舊職而公著以齒髮向衰辭

不就故改是命太常博士集賢校理劉奉世直史館

為修國史院編修官詔開封府勅權戶部判官主客

郎中張充宗內殿承制勾當右驛驤院高遵制接伴遼

欽定四庫全書

特旨治通鑑長編
卷二百八十七

二十一

使緣路不法事先衝替聽追攝後充宗遵制各追一官

勒停坐以違禁物償遼使所亡器皿於驛舍與雜戶通

故也斷言在六月已巳今并書詔京東路轉運司許借封樁差軍

代役人錢五萬緡西路轉運司許借坊場錢十萬緡預

置上供紬絹

士午廣南西路經畧司言緣邊寨鎮使臣年滿及見關

無人願就乞自今權免同罪更不取願就狀詔本路緣

邊寨鎮使臣自今並依五路舉官條奏舉權免取願就

狀候交人入貢取旨 權發遣本路提點刑獄劉宗傑言

邕州修城不依宣撫司指揮丈尺乞下經界司相度修

築詔于繫官並劾罪其提舉官劉宗傑自案舉特免劾

委經界司相度所築城如堪久遠守禦即督功完就若

低怯難以禦敵別計工以聞 復置三司帳司催驅官

一員從季承之 禮部言掃捨之外親祠太廟並以功

臣配享從之去年十二月甲辰初 詔中書立給散常

平錢穀賞罰法以聞 又詔常平錢穀當輸錢而願輸

穀若金帛者官立中價示民物不盡其錢者足以錢錢

不盡其物者還其餘直常平倉錢穀其在民者有常錢

春散之數從是秋稅有所謂緩急聞之而貸者皆定輸

息二分穀則歲豐量增價以糴歲饑減時價糴之以賑

糴又聽民以金帛易穀而有司少加金帛之直凡錢穀

當給若糴皆用九年詔書通取留一半之餘此第一卷

後之元豐元年糴每月日未見今開此立給散常平錢

官實羽後實錄糴實法恐字誤當作到也七年九月二

十六日并九年正月九日又二十二日並合奉熙五月

十七日實錄有詔常平錢穀願以穀及金帛准市直中

價計二分息折納者聽 印此事也或移此附後 法寺奏新知福州曹鞏遷延

不之官等罪詔特罰銅十觔

癸未宣徽使王拱辰請以女童代集英殿大燕小兒隊

舞從之 知諫院蔡確言伏見陳繹復知制誥案繹汚

醜狼藉道路共傳往在鄧州遂致閨門之禍其子與婦

一夕同命而繹傲然無哀戚慙服之容及還京師陰與

中書屬官張諤練亨甫等交相朋附因公事受張諤私

簡蹤跡已露不可更污侍從詔陳繹落知制誥為秘書

監集賢院學士 新內殿崇班机柳縣巡防地分陳萬

刺配三班差使机柳縣守把胡清沙門島坐妄稱賊至

無故擅棄城寨而走也

甲甲以光祿寺丞上官均為太子中允權監察御史裏

行中丞鄧潤甫知雜蔡確薦也均家傳云均用蔡確薦

內殿承制謝季成權提舉訓練福建路團結諸軍 詔

編修明堂式所併歸提點南郊事務所比較熙河財利

所併歸經制熙河財利司其詳定編修令式及詳定一

欽定四庫全書

續資治通鑑長編

三

司勅並併歸修內諸司式所一路一州一縣勅併歸重修編勅所詳定間冗文字所令孔日房檢正官結絕以上除見存外並罷局餘並依限了畢限外官吏罷添給又詔刑部大理寺自今奏舉習學公事並舉曾試刑法得循兩資以上人賜度僧牒百付河北東路轉運司買材木應副大名府澶州修倉

先是上元張燈太皇太后以齒疾不能食不出觀乙酉上復令禁中張燈露臺鼓樂皆入太后疾尚未平酒數

欽定四庫全書

續資治通鑑長編
卷二百八十七

二十五

行而起

此據司馬北閣

丙戌詔應捕盜公人罰銅錢並充轉運司捉賊賞錢

丁亥大名府元城縣主簿吳璋上所注司馬榷苴兵法

三卷詔送武學看詳其後武學言有可采詔璋候武學

教授有開試兵機時務策各一道取裁

戊子太子中允權監察御史裏行彭汝礪為館閣校勘

江南東路轉運判官既而汝礪辭校勘從之辭日復上

疏論時事且言不患無將順之臣患無諫諍之臣不患

無敢為之臣患無敢言之臣上察其忠慰諭久之命刑部員外郎檢正中書吏房公事向宗儒太常丞檢正中書戶房公事畢仲衍並編修中書備對宰相吳充以聖問多出意表故請為此書

聖問多出意表據李清臣與許持書三年八月十一

日書

己丑詔贈尚書令韓琦依趙普例不加贈又詔河北路以常平米賑濟饑民

庚寅福建路體量安撫司言捕獲廖思黨龍騎卒李員

欽定四庫全書

續資治通鑑長編
卷二百八十七

二十五

楊禕乞法外重斷所冀元剌充軍之人有所畏憚不敢走竄上批並處斬梟首示衆

辛卯中書禮房習學公事蔡京言御寶批降指揮未經

編錄成冊恐歲月滋久本末不全乞委官編錄從之仍

命京管勾詔宣徽院等處供報修注事旬終月終自

今更不供起居院直供編修院日歷所

士辰以權知開封府樞密直學士石諫議大夫孫固同

知樞密院事石諫議大夫集賢院學士同修國史韓頌